

sal und ir keyner sal in das husz zur muter czihen, sundern sie geruwet laszen und alle ding gutlichen halden und stehen laszen, bis uff meister Peterz czukouff, do by dy sone beide gewest sint und haben globet, dy richtunge alzo stete zu halden.

a) *alles durchgestrichen*

352.

1422 Mai 9

Hans Cappelle begleicht Schulden seines verstorbenen Schwagers.

fol. 53r Wisset das vor uns komen sint in unsern siczczenden rath frauw Barbara, Hinrich Kaldenkuchz selgen witwe, mit Dorothean, irer tochter, und haben bekanth by iren frauwelichen eren, das on wissentlich sie, das Hansz Cappelle, unser mitburger, Heinrich Kaldenkuche, sime swere, geligen und in sin guter bracht habe czwey hundirt rynischze gulden, do by Burghard Kaldenkuch, unsern mitburger, was und geczugette, das om das alzo wissentlich were. So sint ouch vor uns gewest Peter Beheme, der bader in der der nūwen stuben, unde Daniel Jude unde haben bekanth, das on Cappelle vor sinen swere obgnant^{a)} bezalt habe 74 rynischze gulden. So hat er uns ggeben und bezalt 60 rynischze gulden an der schuld, dy sin swer uff unser rathûsz uff zinsze schuldig was und noch eyn teil schuldig ist. Actum anno domini MCCCC° XXII° sabbato post Jubilate coram rectore consulum Franczisco Gerlach et sociorum eius quibus supra.

a) *folgt durchgestrichen bekr*

353.

1422 Oktober 17

Familie Grefe bestellt ein Seelgerüt.

fol. 53r Actum sabbato post Galli coram rectore consulum Andreas Wetterhan et sociorum eius anno domini MCCCC° vicesimo secundo etc.

Wisset das vor uns komen ist Cunrad Grefe, Hencz, sin son, unde sime eliche wirtin und haben gewillet, alz das Nickel^{a)} Sturm und er Johannes Pfischzer, irz bruderson, zum Grunhayn mit der Pfischzern gelaszen guter czu yrem selgerethe bestellen, das sy dar yn nymmer gereden noch gesprechen wollen an arg und an alle geferde etc.

a) *folgt durchgestrichen stun*